





~ 16  
4046  
1



16  
4046  
1

<2006-792>





有學集序

傳稱三不朽太上立德其次立功其次立言古之人三合爲一今仁義道喪事勳希微獨有立言耳而言亦難矣剽竊之儒繩規而矩步得其象貌失其精神跣踵之士恃聰而騁明始

乎離奇終乎淺陋兩者交譏遞相勝  
負而莫知所主神而明之存乎其人  
牧齋先生產於明末乃集大成其爲  
詩也擷江左之秀而不襲其言竝艸  
堂之雄而不師其貌間出入於中晚  
宋元之間而渾融流麗別具鑪錘北

也爲之降心湘江爲之失色矣其爲  
文也仰觀雲霞之變俯察山川之奇  
中究人物品類之盛本之六經以立  
其識參之三史以練其才游之八大  
家以通其氣極之諸子百氏裨官小  
說以窮其用文不一篇篇不一局如

化工之肖物縱橫變化而不出乎宗  
又如景星卿雲光怪陸離世所希見  
而不自知其所至信藝苑之宗工詞  
林之絕品也近世論文者率云寧爲  
真布帛勿爲僞綺羅然才短則氣局  
不雄境僻則章施不爛若富有日新  
從心不瑜矩不得以此事相推矣  
先生目下十行老而好學每手一編  
終日不倦尤留心於明史博詢旁稽  
纂成一百卷惜燬於絳雲一炬豈天  
喪斯文耶或所論之人爲造物忌而  
斲之耶抑如龍門是非有謬於聖而

不欲傳之耶幸初學集已經付梓得  
 留人間晚年名益高望益重頽然應  
 酬亦自病其濫觴易簣時乃以手訂  
 有學集授遵王余子弟為及門故得  
 見而知之合之而先生之文盡千古  
 之文亦盡於此或有執尺寸過求先  
 生吾所謂不朽者立言耳他何知焉  
 康熙甲辰陽月范陽後學鄒鉉序





牧齋有學集目錄

第一卷

秋槐詩集

起乙酉年  
盡戊子年

詠同心蘭四絕句

短歌題管夫人書畫

南還別冬哥四絕句

七夕有懷

燕市別惠房二老

題海客釣鰲圖四首

別惠老二絕句

和東坡西臺詩六首

逢水榭故姬四絕句

鵝籠曲四首

送李生還長干

贈頂目禪人

觀程端伯畫冊作歌

次林茂之待月之作

次茂之重晤有感

再次茂之他字韻五首

盛集陶次他字韻重和五首

觀棋六絕句 後觀棋六絕句

題石崖秋柳小景 示林遺民古度二絕句

題金陵三老圖 贈濮仲謙

題丁家河房亭子 和盛集陶落葉詩二首

寒夜夢醒二十八字 荅盛集陶見贈二首

過茂之再次申字韻 禪關策進詩

次韻那子偶成之作

第二卷

秋槐詩支集

起巳丑年盡庚寅四月

已丑元日試筆二首 荅盛集陶新春見懷

林那子七十初度 寄題廣陵菽園

題朱玉耶畫扇 荅何寤明見贈

馮研祥金夢蜚自武林唁我白門喜而有作

叠前韻別研祥夢蜚三首

戲為天公惱林古度歌

汪氏收藏目錄歌 徐元歎六十

歲暮讌集四首 蜡日戲示三王生

賜蘭堂壽讌詩四首 贈崇明侯杜歿武四首

庚寅人日二首 人日示內二首

贈黃若芷四絕句 附

贈徐存永陳開仲過訪見贈四首

燕新樂小侯三首

第三卷 夏五詩集 起庚寅五月盡一年

早發七里灘

五日釣臺舟中

五日夜泊睦州

婺州懷古

嚴先生祠下留別

桐廬道中

留題湖舫二首

西湖雜感二十首

東歸漫興六首

感歎勺園再作

以酒炙餉韓古洲

書夏五集後

第四卷 絳雲餘燼詩上 起辛卯一年

送孟君歸甘州二首

故司禮廬太監

方庵詩

書梅村艷詩後四首

京口渡江有寄

登福緣佛閣四首

贈歌者王郎十四絕句

題丁老畫像四絕句

送石濤上人十四絕句

贈喻嘉言

送汪雲卿二首

哭稼軒留守一百十韻

簡陸兆登問疾

孟陽冢孫過訪二首

西田詩十二首

京口觀棋六首

寄嶺外四君詩四首

訪大山禪人四絕句

吳巨子卮齋詩

朱逃禪四十詩

胥山草堂詩

贈盧子繇

雲將納妾

壯遊贈顧南金

東臯老僧

七十荅人見壽

第五卷

絳雲餘燼詩

下起甲午年  
盡乙未秋

和墨香秋興卷二首

和東籬秋興詩二首

題僧卷

丁繼之七十四首

觀吳園次懷人詩二首

次韻題趙友沂四首

贈別友沂

題楊龍友畫冊

武林觀棋六絕句

寄湖州官使君

伏波弄璋歌六首

馮雲將八十

題孟陽畫扇

送吳興公游下邳

寄李條侯二首

李太公壽詩

為戒香小師題扇

吳金吾生日二首

壽陳子木母四首

龔孝升四十初度詩

郭河陽溪山行旅圖

題椰枝春鳥圖

宿我堂夢謁吳相伍君感而有作

夜飲淥水園四絕句

假我堂文讌詩十首

放歌為未生壽

贈盛子久

燈屏詞十二首

贈張燕筑二首

芥閣詩次中峰歌八首

題鄒臣虎畫扇二首 莫釐峰頂登高二首

遊東山雨花臺 路易公置酒二首

朱內翰開宴二首 送吳梅村

題張穉昭扇八絕句 贈張坦公

京口避風館詩八絕句

第六卷 秋槐詩別集 起乙未冬 盡丙申春

宿白塔寺二首 寄李素臣

題黃甫及舫齋 題振衣千仞岡小像

閩再彭春西草堂二首

竹溪草堂歌 送松影上人二首

乙未除夕寄內 偕介丘道人守歲

丙申元日 王式之叅軍五十

題李長蘅畫 放歌行贈樸園道人

再別樸園 人日寄沈崑胡

催粧詞二首 左寧南畫像歌

留題水閣三十絕句 崑崙山人扇子歌

贈侯商丘四首 與姚茂之話舊

題滕王閣詩文十首 華嚴玄談四首

雲陽姜氏壽讌詩

趙澄臨棧道圖

第七卷

高會堂詩集

起丙申  
盡一年

高會堂飲罷二首

七歲童子草書歌

贈姚方伯

荅張洮侯

荅董得仲三十二韻

荅宋子建

丙申重九四首

彩生索詩戲題八首

霞城置酒醉後作

贈徐武靜生日八百字

和子建韻四首

別彩生口占十絕句

荅沈生麟二首

贈顧生秀才

茸城惜別一千字

沈雪樵行脚詩

送龔孝升四首

題華堂新燕圖

第八卷

長干塔光詩集

起丙申年  
盡丁酉年

讀雲林園事略一千字

題鶴江生詩卷

太清樓法帖歌

舍光師畫像二首

題畫

燕子磯舟中作

贈鄒流綺

櫂歌十首

自題小像四絕句

燕子磯歸舟作

題畫

題許有介詩集

謝鄧元昭致餼

橋山

一年

蕉園

雜人

長至宿長干禪榻

小至夜日蝕紀事

至日作家書二絕句

報恩寺塔放光二十韻

雁字詩十二首

贈小李大十二首

和純水僧房壁間詩

水亭撥悶二首

示藏社介丘道人

臘月八日長干薰塔

秦淮花燭詞四首

簡李學使二首

登毘盧閣

投宿崇明寺二首

金陵雜題二十五首

小桃源記短歌

第九卷

紅豆詩初集

起戊戌  
盡一年

題孟陽仙山圖

和些庵和尚補山堂歌

送人還白門

送蕭孟昉還金陵

六安黃夫人鄧氏

秦淮花燭詞十首

題王孟端畫竹二首

次韻酬覺浪

題孟陽畫扇十絕句

題菊齡圖六首

題歸玄恭畫像四首

吳母燕喜詩

寄元昭太史二首

戲題付衣小師

婁江謠五首

石鏡

送黃達可歸嶺南

後送達可

效坡公上巳作

採花釀酒歌

勘夢遊集

桂殤詩四十五首

第十卷 紅豆詩二集

起巳亥 盡一年

過湖南草堂四首

酒逢知己歌贈馮研祥

乳山道士勸酒歌

送南雲和上

載花易酒詩

贈康孝廉

夫山和上枉訪四首

題荷花畫扇五絕句

雪月調笑詞十四首

徐元歎勸酒詞十首

覺浪和上挽詞八首

遲靜涵司農未至

呈夫山和上二首

徐叟八十勸酒歌

周安石七十

後秋興八首

第十一卷 紅豆詩三集

起庚子年 盡辛丑年

宿述古堂四首

題豫章仙音譜八首

孫郎長筵勸酒歌

吁嗟行示張子石

荅梅公司馬二首

題浣花小影四首

贈王玉映十絕句

戲題妓館二首

贈祝子堅

題巖子家慶圖

和胎仙閣看紅豆花詩八首

丁老行送丁繼之

讀方爾止禽山詩

古詩贈王貽上

送林枋孝廉四首

紅豆詩十首

陳伯璣耦耕圖短歌



恤廬詩為牧雲和上作

懸蛇行贈周茂廬 題金孝章挽冊

第十二卷 東澗詩集上 起壬寅 盡一年

過錦峰書院十韻 一月五日山莊作

六日述古堂文讌作 圮橋行

題破山四高僧圖 浮石和上偈二首

燈樓行 茸城弔許霞城

賀遵王生第五灘 送施偉長

小閣雅集四首 寒夜記夢

贈張敬脩 題烟客畫扇

和飲荔 詩 秋日雜詩二十首

贈歸玄恭八十二韻 埋庵老人曾孫歌

題滕相士寫真 方生行送方爾止

老藤如意歌 題梅仙小像二絕句

後觀碁六絕句 和竹廊題壁二首

梅村落兒歌十首 王玉映夫婦生日

第十三卷 東澗詩集下 起癸卯 盡一年

放歌行為姚文初作 迎神曲十二絕句

荅方望子 壽潘子倫

楊枝挑牙杖歌 和馮定遠詩三首

和述懷詩四十韻

消寒雜咏四十六首

第十四卷 序

歷朝詩集序

毛氏新刻十七史序

建文年譜序

啓禎野乘序

玉劔尊閣序

顏子疏解序

藝林彙考序

內閣小識序

瑯環類纂序

鏡古篇序

第十五卷 序二

吳江朱氏杜詩輯註序

草堂詩箋原本序

註李義山詩集序

朱長孺註李義山詩序

唐詩英華序

唐詩鼓吹序

鼓吹新編序

愛琴館評選詩慰序

歷朝應制詩序

本草拔萃序

醫門法律序

傷寒捷徑書序

棋局新譜序

王氏族譜序

李孝貞傳序

錫山重修宗譜序

第十六卷 序三

新刻震川先生集序

李忠文公文水集序

成文穆公集序

傅文恪公集序

董文敏公遺集序

杜穀武集序

黃陶庵集序

瞿福桂浩氣吟序

佟氏幽憤錄序

范勛卿文集序

高玄期景玄堂集序

高寓公稽古堂詩集序

高念祖懷寓堂詩集序

第十七卷 序四

吳梅村詩集序

季滄葦詩集序

施愚山詩集序

宋子建遙和集序

宋玉叔安雅堂集序

王貽上詩集序

周元亮賴古堂合刻序

賴古堂文選序

申比部詩序

江田陳氏家集序

葉九來經鋤堂詩序

金爾宗詒翼堂集序

四照堂文集序

第十八卷 序五

卓去病全集序

程孟陽耦耕堂集序

李貞之存餘藁序

蕭伯玉春浮園集序

徐存永尺木集序

唐祖命詩集序

梅杓司詩集序

范長倩石公集序

徐女廉遺集序

徐季重詩集序

陳昌箕日記詩集序

陳古公詩集序

胡致果詩序

李黼臣甲申詩序

湖外野吟序

第十九卷 序六

咸子詩序

蔡大美集序

曾青藜詩序

彭達生晦農草序

邵潛夫詩序

張子石西樓詩序

張公路詩集序

華仲通集序

葉聖野詩序

孫子長詩序

歸玄恭恒軒集序

顧麟士詩序

陸勅先詩序

周孝逸文藁序

遵王筆雲集序

交蘆言怨集序

第二十卷 序七

李叔則霧堂集序

呂季臣詩集序

陳喬生詩集序

李緇仲詩集序

學古堂詩集序

空一齋詩序

新安方氏伯仲詩序

婁江十子詩序

黃庭表忍庵詩集序

陳確庵集序

梅仙詩藁序

從遊集序

楊弱生且吟詩序

徐子能黃牡丹詩序

小山堂詩引

楊明遠詩引

王翰明詩引

二王子今體詩引

五石居詩引

李梅公唱和初集引

嘯雪庵詩序

黃皆令新詩序

第二十一卷 序八

楞嚴志略序

憨山大師夢遊集序

嶺南刻夢遊集序

紫柏尊者別集序

密藏禪師遺稿序

退庵儲和尚語錄序

石林上人寄巢詩集序

天童山翁禪師文集序

金剛經了義引

第二十二卷 贈序一

贈谷愧莪序

贈別施偉長序

贈別胡靜夫序

贈程穆倩序

贈愚山子序

送南昌丁景呂序

送方爾止序

贈覺浪和尚序

贈馬文學序

贈雙白居易序

第二十三卷 壽序一

黃甫及六十序

李秀東六十序

矐目篇贈華仲通

歲星解贈薛諧孟

黃子羽六十序

孫子長六十序

湯鳳閣壽讌序

張子石六十序

沈長公七十序

陳溫如八十序

吾宗篇壽虎文八十

毛子晉六十序

第二十四卷 壽序二

杜大將軍七十序

錫山趙太史六十序

趙景之太史六十序

韓古洲太守八十序

吳封君七十序

王烟客奉常七十序

大梁周氏壽讌序

吳祖洲八十序

嘉定金氏壽讌序

鄭士敬孝廉六十序

王兆吉六十序

第二十五卷 壽序三

白法長老八十序

石林長老七十序

壽量頌為退和尚

壽梁母吳太夫人序

聞母鄒太君七十序

吳母徐太孺人八十序

遠山夫人四十初度頌并序

華母龔夫人八十序

袁母吳氏旌節頌并序

第二十六卷 記一

述古堂記

黃氏千頃齋藏書記

西田記

蓮蓋樓記

雲陽草堂記

竹溪草堂記

舫閣記

西爽齋記

第二十七卷 記二

孟津縣關帝靈感記 揚州石塔寺復田記

華山寺新建講堂記

雙河眾香庵記

吳郡西園戒幢律院記

地藏庵記

王氏始祖祠堂記

王氏杖蔭樓世祠記

王氏南軒世祠記

錢氏義莊記

督漕李使君去思記

第二十八卷 墓誌銘一

太子太傅吏部尚書劉文端公墓誌銘

太子太保吏部尚書梁貞敏公墓誌銘

南京祭酒贈翰林院侍讀學士許公墓誌銘

都察院右僉都馮公墓誌銘

南京工部右侍郎徐公墓誌銘

第二十九卷 墓誌銘二

贈太僕寺卿李忠毅公墓誌銘

御史李府君墓誌銘

孫長君墓誌銘

方孟旋墓誌銘

第三十卷 墓誌銘三

太子太保吏部尚書王公墓誌銘

宮保孟津王公墓誌銘

贈吏科給事中柯君墓誌銘

福建布政司朱君墓誌銘

安遠將軍王君墓誌銘

內鄉孝廉許君墓誌銘

遼東王府君墓誌銘 樂安唐君墓誌銘

王府君墓誌銘

第三十一卷 墓誌銘四

尹孔昭墓誌銘

陸孟鳧墓誌銘

華仲通墓誌銘

毛子晉墓誌銘

薛更生墓誌銘

族孫裔肅墓誌銘

蕭伯玉墓誌銘

黃子羽墓誌銘

周安期墓誌銘

王德操墓誌銘

何君實墓誌銘

第三十二卷 墓誌銘五



卓去病墓誌銘

汪然明墓誌銘

李貫之墓誌銘

歸文休墓誌銘

潘汝躍墓誌銘

楊無補墓誌銘

顧君升墓誌銘

陳溫如墓誌銘

顧象垣墓誌銘

雲間道人生壙記

從祖府君改葬誌

第三十三卷 墓誌銘六

熊母皮太安人墓誌銘

佟母陳淑人墓誌銘

李母張宜人墓誌銘

林淑人墓誌銘

張孺人墓誌銘

趙夫人張氏墓碑銘

瞿孺人墓誌銘

旌表節婦從祖母徐氏墓誌銘

錢令人趙氏墓誌銘

顧貢士妻陸氏墓誌銘

第三十四卷 神道碑一

少保文淵閣大學士成文穆公神道碑

太保都察院左都御史李忠文公神道碑

新鄉張府君神道表

第三十五卷 神道碑二

和州魯氏神道碑

吏部稽勳司李公墓碑

雲南按察司陳君墓表

周參軍墓表

孝廉陳君墓表

孝介先生朱君墓表

芥庵道人塔前石表

孫徵士照隣墓表

翁約之墓表

教讀謝君墳表

第三十六卷 塔銘一

憨山大師曹溪肉身塔院碑

密雲禪師塔銘

道開法師塔銘

固如法師塔銘

第三十七卷

傳

祭文

哀詞

吳金吾小傳

金文澤小傳

蓮蓬居士傳

嘉興高氏家傳

沈節婦傳

石林長老小傳

祭蕭伯玉文

祭虞來初文

徐巨源哀詞

嚴宜人文氏哀詞

第三十八卷 書一

荅杜蒼略論文書

再荅蒼略書

荅徐巨源書

與嚴開正書

荅吳江潛方用書

復方密之書

荅王于一論文書

復徐巨源書

與吉水李文孫書

第三十九卷 書二

與族弟君鴻書

荅徐伯蘭書

復李叔則書

荅徐禎起書

復吳江藩力田書

與王燕客書

與方爾止書

第四十卷 書三

復王燕客書

復道主書

與從新和上書

又荅覺浪和上書

寄內衡法師書  
復天然呈和上書

第四十一卷 疏

大報恩寺募補藏疏

募刻大藏方冊疏

淨慈寺募建禪堂疏

永定寺募興造疏

普德寺募脩禪堂疏

乾元道人祠屋疏

為柳敬亭募葬引

第四十二卷 贊 偈 頌

觀世音菩薩贊

關聖帝君像贊

紀鄣婦贊

漢新城三老董公贊

報慈圖序贊

遠法師書論序贊

寒松齋詞翰卷贊

王侍御遺詩贊

小周郎畫像贊

雪夜訪趙普圖贊

文文肅公畫像贊

馮開之畫像贊

閻寧前畫像贊

王烟客真贊

吳節母王氏贊

陳昌箕畫像贊

周安期畫像贊

周安石畫像贊

毛子晉真贊

袁叔言小影贊

何總戎畫像贊

姚將軍採藥圖贊

顧子東畫像贊

朱逃禪小像贊

第四十三卷 雜文一

申包胥論

四皓論

顏延年論

釋迦方志辨

釋迦方志續辨

憨山大師託生辨

第四十四卷 雜文二

首楞二十五圓通揀法解

憨山大師科經總義或問

景教考

嘆譽

原諱

愚樓對

重建商相巫公祠堂碑

吉水李氏旌門頌銘

就亭銘

第四十五卷 雜文三

古文談苑摘錄後記 憨山大師遺事記

書華山募田冊子 書史記齊太公世家後

萃止軒記 家塾論舉業雜說

第四十六卷 題跋一

宋刻書跋 跋玉臺新詠

跋高誘註戰國策 跋東都事略

跋春秋繁露 又

跋吳越春秋 跋方言

跋楊子法言 跋列女傳

跋新序 跋聶崇義三禮圖

跋道德經指歸 跋十家道德經註

跋抱朴子 跋本草

跋王右丞集 跋文中子中說

又 跋李肇國史補

跋禮部韻略 跋酒經

跋吟窓小會前卷 跋營造法式

跋真誥 又

跋高麗板柳文 跋皇華集

書宋雕兩漢書後 唐人金剛經石刻跋

題懷素草書卷

李忠毅公遺筆跋

題董玄宰書山谷題跋

跋紫柏大師手札

題書金剛經後

題尹子求臨魏晉帖

書張子石臨蘭亭卷

題李長蘅畫扇冊子

跋顧與治藏大癡畫卷

題鄭千里畫冊

題聞照法師藏畫冊

題吳漁山臨宋元畫縮本

題王石谷畫冊

第四十七卷 題跋二

自跋留侯論後

題紀伯紫詩

題程穆倩卷

題燕市酒人篇

題遵王秋懷詩

題龔孝升書近詩冊

書黎美周詩序後

題蕭孟昉花燭詞

明媛詩緯題詞

書瞿有仲詩卷

書梅花百詠後

嗜奇說書水墨庵詩卷

題徐少白詩卷後

題西湖竹枝詞

題李吧瞻谷口山房詩

第四十八卷 題跋三

題地輿歌

後香觀說書介立詩卷

題桃溪詩稿

題嚴武伯詩卷

題費所中詠古後

再與嚴子論詩語

題馮子永日草

題梅花紀遊詩

題介立詩

題顧伊人詩

題塞上吟卷

題鶴如詩卷

又題像贊

題山曉嘯堂詩

題淨土詠懷詩

南來堂拾藁題辭

第四十九卷 題跋三

題邵得魯述塗集

讀宋玉叔文集題詞

題顧與治遺稿

書趙太史魯遊稿後

題杜蒼略自評詩文

題武林兩關碑刻

題王文肅公南宮墨卷

題施氏先世遺冊

題王周臣文藁

題吳江周氏家譜後

書徐府君行實後

題徐仲光藏山稿後

讀歸玄恭看花二記

書廣宋遺民錄後

題施秀才卷

跋錢礎日哀言

題谿南雜記

題郭氏五馬榮歸集

第五十卷 題跋四

書大悲心陀羅尼經後

書憨大師十六觀頌後

牧齋有學集卷一  
題十八祖道始頌

書遠公明報應論後

題華嚴法會後啓

藏逸經書標目後記

題李小有戒殺文

題官和尚天外游草

讀印心七錄事

書惟諤上座詩後

題無可道人借廬語

書蕩益道人自傳後

題沈石天頌莊

牧齋有學集卷一

秋槐詩集

咏同心蘭四絕句

新粧才罷採蘭時忽見同心吐一枝珍重天公裁剪  
意粧成歛拜喜盈眉

獨蒂攢花簇一心紫莖綠葉在成林花神幻出非無  
謂應與如蘭比斷金

並頭容易共心難香草真當日以蘭不似西陵凡草  
木漫將啼眼引郎看

花發秋心賽合歡秋蘭心好勝春蘭花前倒挂紅鸚



牧齋有學集卷一  
一  
鵝怡比西方共命看

觀管夫人畫竹并書松雪公脩竹賦敬題短歌  
仲姬寫竹如作書八分篆籀相扶疎金刀屈鐵應手  
出頭白蕭郎爭得如仲姬作書如寫竹兩葉風枝披  
簡牘况復追趨松雪翁兔起鶻落誰能逐白蓮花庄  
風日暘鷗波亭子翰墨香仲姬放筆自歛衽文敏展  
玩爲徬徨天上人間此佳耦齊牢共命兼師友祗應  
贊歎復頂禮豈問榮華論妍醜多生願力然燈時世  
人豔妬徒爾爲却笑吹簫吾瞎子謔謔空傳倒好嬉  
丙戌南還贈別故侯家妓人冬哥四絕句

繡嶺灰飛金谷殘內人紅袖淚闌干臨觴莫恨青娥  
老兩見仙人泣露盤

天樂荒涼禁苑傾教坊淒斷舊歌聲臨岐只合憎騰  
去不忍聽他唱渭城

虹氣橫天易水波烏頭馬角事如何卷衣宮女知多  
少誰記邯鄲一曲歌

師師垂老杜秋哀金縷歌殘盡此杯惆悵落花時候  
別江南花發遲君來

丙戌七夕有懷

閣道垣牆總罷休天街無路接清秋生憎銀漏偏如

物齋有學集 卷一  
舊橫放天河隔女牛

燕市別惠房二老

白駒未繫又離筵北斗南箕信可憐  
壁馬朝周才信宿金人辭漢已千年  
房公鵝爲清池好惠子騾因空谷  
傳龍漢劫中期後會瀟陵回首重依朕

丁亥夏題海客釣鰲圖四首

海客垂綸入淼茫新添水檻攬扶桑  
崆峒仗與羲和杳安得乘槎瀛水旁  
貝闕珠宮不可尋六鰲風浪正陰森  
桑田滄海尋常事罷釣何須歎陸沉

陰火初銷黑浪遲投竿錯餌自逶迤  
揆他海底珠如月恰是驪龍晝睡時

老馬爲駒氣似虹行年八十未稱翁  
勞山拂水雙垂釣東海人稱兩太公

別惠老兩絕句

一別三千里相看七十年明朝數行淚  
沾洒各山川頭白此爲別忍聽班馬鳴  
但餘雙涕淚零亂似平生

和東坡西臺詩韵六首

丁亥三月晦日晨典禮佛忽被急徵銀  
璫拖曳命在漏刻河東夫人沉疴臥蓐  
蹶狀而起冒歿從行

誓上書代死否則從死慷慨首塗無刺刺可憐之  
語余亦賴以自壯焉獄急時次東坡御史臺寄妻  
詩以當決別獄中過紙筆臨風闌誦飲泣而已生  
還之後尋繹遺忘尚存六章值君三十設帨之辰  
長筵初啓引滿放歌以博如臯之一笑并以傳眎  
同聲求屬和焉

朔氣陰森夏亦凄穹蒼四蓋破天低青春望斷催歸  
鳥黑獄聲沉報曉雞慟哭臨江無壯子徒行赴難有  
賢妻重圍不禁還鄉夢却過淮東又淞西

陰宮窟室晝含凄風色蕭騷白日低天上底須論玉

兔人間何物是金雞肝腸迸裂題襟友血淚模糊織  
錦妻却指恒雲望家室滹沱河北太行西

紂絕陰天鬼亦凄波吒聲沸柝鈴低不聞西市曾牽  
犬浪說東城再鬪雞並命何當同石友呼囚誰與報  
章妻可憐長夜歸俄頃坐待悠悠白日西

三人貫索語酸妻主犯災星僕運低洩溺關通眞並  
命影形絆繫似連雞夢回虎穴頻呼母話到牛衣並  
念妻尚說故山花信好紅闌橋在畫樓西

二十日

六月霜凝倍惜悽骨消皮削首頻低雲林永絕離羅

余與二僕  
共拈拳者

雉砧几相鄰待割雞墮落劫塵悲宿業皈依忒喜媿  
山妻西方西市原同觀縣鼓分明落日西  
枯拳扶將獄氣淒神魂刺促語言低心長尚似拖腸  
鼠髮短渾如禿幘雞後事從他携手客殘骸付與畫  
眉妻可憐三十年來夢長向山東遼水西

金壇逢水榭故妓感歎而作凡四絕句

黃閣青樓盡可哀啼粧墮髻尚低徊莫欺烏爪麻姑  
老曾見滄桑前度來

剩水殘山花信稀瑣窻鸚鵡舊籠非儂家十二珠簾  
外可有尋常燕子飛

身輕渾欲出鵝籠巾袖低徊光景中還似他家舊樓  
館吹簫解珮下屏風

春病春心自攬持道家裝束也相宜知君恰比仙人  
子腸斷宮花欲嫁時

籠鵝曲四首示水榭舊賓客

午夜宮花絕命詞鎖籤聲急漏聲遲書生一霎情騰  
夢恰似鵝籠酒醒時

籠窻啼絕夜烏聲珠履蕭條翠袖行惟有昔時陽羨  
路鵝籠猶識舊書生

瞿瞿月冷畫堂空浪蕩飄花一瞬中錦帳金盤何處

所可憐羸得舊鵝籠

淺絳衣衫蓮葉巾近前丞相不須嗔書生未省長  
去只爲鵝籠別有人

吳門春仲送李生還長干

闌風伏雨鬧江城扶病將愁起送行烟月揚州如夢  
寐江山建業又清明夜烏啼斷門前柳春鳥銜殘花  
外櫻尊酒前期君莫忘藥囊吾欲傍餘生

贈頂目禪人

曉日穹窿恣鼓鳴山茶樹上鷓鴣聲渾身是眼原非  
眼有眼何須頂上生

廣陵舟中觀程端伯畫冊戲爲作歌

大癡仙人不肯人間住萬里軍持入烟霧少年結隱  
虞山麓把酒看山每日暮西圖華岳通箭括南寫匡  
廬掛瀑布千山萬壑擁現十指端盤礴皴染仍是家  
山釣遊處平生熏習老不忘一重一掩自吞吐雪浪  
參差劒門石烟嵐晻靄石城樹我昔讀書此山中丙  
舍連山抱丘墓每指虞山誇似人此是大癡真畫具  
自從喪亂走塵埃拋擲家山比行路風窻雲戶歸渺  
茫蟹舍漁莊傍沮洳今日何日見此本紙上烟巒忽  
盤互重山複嶺看不足浮嵐煖翠喜重寤嗟君如椽

大手筆間却詞頭理毫素厭看河陽玉堂壁夢落龍  
圖楚江渡遊戲丹青學子久意匠經營有神遇疊山  
恐被葵丘嘲臨本應爲石田妬得非一峰老人今再  
生不狀虞山粉本誰與交手付是時薄游廣陵歲云  
暮邗江漠漠愁江沔蕃釐花殘但禾黍隋堤柳禿無  
飛絮策羅灣頭萬樹鴉夏國墳荒何處駐竹西歌吹  
又喧闐對畫沉吟感情慄歸與歸與勿猶豫埽除茅  
茨守塲圃金鰲夜半左股已失却還愁君家畫笥又  
捲虞山去

次韵林茂之戊申中秋白門寓舍待月之作

空堦荇藻影沉浮管領清光兩白頭條界山河原一  
點平分時序也中秋風前偏照千家淚笛裏橫吹萬  
國愁無那金昌今夜月雲鬢香霧更悠悠

次韵茂之戊子秋重晤有感之作

殘生猶在訝經過執手祇應喚奈何近日理頭梳齒  
少頻年洗面淚痕多神乎六博其如我天醉投壺且  
任他歎息題詩垂句後重將老眼向關河

再次茂之他字韵

覆杯池畔忍重過欲哭其如淚盡何故鬼視今真恨  
晚餘生較死不爭多陶輪世界寧關我針孔光陰莫

美他遲暮將離無別語好將白髮喻觀河  
幾青緡罷刦灰過汗簡崔鴻奈史何貢矢未聞虞服  
少專車長誦禹功多荒唐浪說程生馬譌謬真成字  
作他東海揚塵今幾度錯將精衛笑填河  
風輪火劫暮年過未效將如朽貫何逐鹿南公車乘  
少操蛇北叟子孫多地更侯甸徒爲爾天改星辰可  
任他李賀漫歌辭漢淚不知鉛水已成河  
涼風撼撼凜秋過枯樹婆娑奈爾何遼鶴定知同伴  
少楚囚剛道一身多茫茫禹跡今如此憤憤天公莫  
怨他惆悵渡頭桃葉女板橋猶說舊秦河

秋燈暖壁暗蛩過長夜漫漫復幾何騎鶴張翁羅網  
少參龍劉累牧芻多問天辭畢誰酬我罵鬼書成孰  
致他夢噩酒悲頻慟哭不因除館泣西河

見盛集陶次他字韵詩重和五首

槍口刀尖取次過銀鐺其奈白頭何壯心不分殘年  
少悲氣從來秋士多世欲屠龍愁及我人思畫虎笑  
由他端居每作中流想坐看衝風起九河  
敗壁疎帷朔氣過夢長休問夜如何天星象緯依躔  
少地角龍蛇起陸多楚奏鍾儀能忘舊越吟莊舄忍  
思他西鄰象戲秋燈外抵几喧呶競渡河

秋衾銅轡夢頻過四壁陰蟲聒謂何北徙鵬憂風力  
少南飛鷓恨月明多杞妻崩雉真憐汝莒婦量城莫  
甚他却笑玉衡無定準天街仍自限星河

白翎雀斷海青過蜀魄啼如來路何肅慎矢楛天柱  
少支祈神鏢地維多周占墨食寧欺我楚尹狐疑莫  
問他漫道張騫能鑿空終將一葉到天河  
八翼摧殘六鷁過呼鷹躍馬意如何天迴鶉火三精  
在地長龍沙一柱多鷓識北來仍喚汝臬謀東徙莫  
知他夜闌挹酒朝南極箕尾芒銷爛絳河

觀棋絕句六首

當局休論下子遲爭先一着有人知由來國手超朕  
處正在推枰斂手時

一局分明小劫期餘尊尚湛日初移人間多少樵薪  
子努目仙人爲看棋

黑白相持守壁門龍拏虎攫賭侵分重瞳尚有烏江  
敗莫笑湘東一目人

渭津老子解論兵半局偏能讓後生奕到將殘休戀  
殺花陰漏日轉楸枰

冠鷓巾鴟趂劫灰西園諧價笑喧豨白身誰以羊玄  
保睹得宣城太守迴



疎簾清簟楚江秋  
剝啄叢殘局未收  
四句乘除老僧  
在看他門外水西流

後觀棋絕句六首

客舍蕭辰看奕棋  
秋風卷籜響枯枝  
空庭落葉聲如  
掃爭似盤中下子遲

一枰犖确競秋風  
對局旁觀意不同  
眼底三人皆國

手莫將鼎足笑英雄

是日周老姚生對奕汪幼青旁看

寂莫枯杆響沈寥  
秦淮秋老咽寒潮  
白頭鐙影涼宵  
裏一局殘棋見六朝

飛角侵邊劫正闌  
當場黑白尚漫漫  
老夫袖手支頤

看殘局分明一着難

霜落鍾山物候悲  
白門楊柳總無枝  
殘棋正似烏棲  
候一角斜飛好問誰

閱江樓下草迷離  
江水遙連淝水湄  
傳語八公閑草  
木謝公無事但圍棋

題沈朗倩石厓秋柳小景

刻露巉巖山骨愁  
兩株風柳曳殘秋  
分明一段荒寒  
景今日鍾山古石頭

觀閩林初文孝廉畫像讀徐興公傳書斷句詩

二首示其子遺民古度

抗疏捐軀世所瞻 裳衣戍削貌清嚴 可知酌古陳同甫 應有承家鄭所南

文甫為人陳亮是 興公作傳水心同 永康不歿臨安在 千古江湖恨朔風

題金陵三老圖

三老衣冠彼一時 畫圖省識起遐思 青鞵布襪唐賢像 脩竹清流晉代詩 鳳去梧桐還有樹 烏啼楊柳已無枝 秦淮烟月經遊處 華表歸來白鶴知

贈濮老仲謙

滄海茫茫換劫塵 靈光無恙見遺民 少將楮葉供遊

戲晚向蓮花結淨 因杖底青山為老友 牕前翠竹似

閒身 堯年甲子欣相並 何處桃源許卜鄰 君與余同壬午

題丁家河房亭子 在青溪篔步之間

花邊柳外市朝新 夢裏華胥自好春 夾岸麴塵三月柳 疏窻金粉六朝人 小姑溪水為鄰並 邀篔風流是後身 白首吳鈞仍惜客 看囊一笑是長貧

和盛集陶落葉詩二首

寒林萬樹怨蕭騷 只為中庭一葉凋 波下洞庭齊颯沓 風高榆塞總漂搖 平原縱獵埋狐窟 空谷虛弦應鳥巢 最是風流殷太守 不堪惆悵自攀條

秋老鍾山萬木稀，凋傷總屬劫塵飛。不知玉露涼風急，只道金陵王氣非。倚月素娥徒有樹，履霜青女正無衣。華林慘澹如沙漠，萬里寒空一雁歸。

寒夜夢醒忽得二十八字，似是早春宮詞。

小闌脩竹綰官梅，淑氣先從御柳回。二十五家春宴罷，不知何處是蓬萊。

次韵答皖城盛集陶見贈二首，盛與林茂之鄰居皆有目疾，故次首戲之。

枯樹婆娑隕涕攀，祇餘蕭瑟傍江關。文章已入滄桑錄，詩卷寧畱天地閒。汗史血書讐故簡，烟騷魂哭怨

空山。終愁商頌歸玄鳥，麥秀殘歌詎忍刪。

有瞽鄰牆步屨親，摩杪攬鏡笑看人。青盲恰比瞳矓日，象罔聊爲示現身。並戴小冠希子夏，長懸內傳配師春。徐州好士今無有，書尺何當代爾申。

歲晚過茂之見架上殘帙有感，再次申字韵。

地濶天高失所親，淒朕問影尚爲人。呼囚獄底奇餘物，點鬼塲中雇賃身。先祖豈知新歲曆，邊人不解故家春。可憐野史亭前叟，掇拾殘叢話甲申。

禪關策進詩有示。

漫天畫地鬼門同，禪板蒲團在此中。遍體銀鐺能說

法當頭白刃解談空朝衣東市三生定懸鼓西方一  
路通大小肇師君會否莫將醒眼夢春風

次韵那子偶成之作

妙湛終歸不動尊大無空現轉輪身神焦鬼爛人何

有地老天荒我亦貧春日田園新甲子

用謝臯羽月泉詩社事

歲寒燈火舊庚申明年定酌桃花酒慶爾平頭七十

人

牧齋有學集卷一

秋槐詩文集

已丑元日試筆二首

春王正月史仍書上日依朕芳草初白髮南冠聊復  
爾青陽左个竟何如三杯竹葉朝歌後一枕槐根午  
夢餘傳語白門楊柳色桃花春水是吾廬

頻煩襪被卷殊書顧影頽狀又歲初自笑羈囚牢戶  
熟人憐留滯賈胡如淵明弱女咿嚶候孺仲賢妻涕  
淚餘爲問烏衣新燕子啣泥何日到寒廬

次韵盛集陶新春東懷之作

暈碧裁紅記往年春盤春日事茫狀澗瀝維下今何  
地鄆杜城南舊有天夢裏士師多訟獄醉中國土少  
崩騫金陵見說饒新咏佳麗長懷小謝篇

林那子七十初度

孟陬吾以降七十古來稀南國遺民在東京昔夢非  
夜烏題舊樹春燕語新衣一醉滄桑裏麻姑有信歸  
寄題廣陵菽園

架構平臨邛水涯隋堤迎却俯塵沙南塘路識將軍  
第東閣梅如水部衙十里珠簾叢腐草二分明月冷  
烟花輕軒奉母承平事會有新詩補白華

題朱玉耶畫扇

斷月拋雲去不還舊圖小扇落人間依稀記得前塵  
事愁絕雙蛾傍遠山

次韵荅何寤明見贈

桃李何曾怨不言沅湘憔悴自蘭蓀劫灰蕩掃文章  
貴星緯消沉處士尊江左風流餘汝在襄陽耆舊幾  
人存新詩携去誇春社一字須傾酒一樽

馮研祥金夢蜚不遠千里自武林唁我白門喜  
而有作

踰冬免歿又經旬四海相存兩故人吳淞各天如嶺

嶠千戈滿地况風塵燈前細認平時面坐久頻驚亂  
後身詹尹朝來傳好語可知容易有斯晨

疊前韵送別研祥夢蜚三首

愁霖震電苦踰旬况復情騰送故人瀕死心懸春碓  
杵望歸目斷客車塵殘生握別無多淚末世遭逢有  
幾身從此前期知不忘雞鳴如晦記茲晨

青春聚首不多旬作伴還鄉恨少人不分行時俱涕  
淚正憐別後各烟塵關心惟悴無過死執手叮嚀要  
此身傳語故人應歎息對牀風雨亦佳辰

少別千年近隔旬勞人亭畔盡勞人誰家窟室能逃

世何處巢車可望塵尙字總歸沙數劫相看已屬意  
生身童初近有登真約爲我從容扣侍晨

戲爲天公惱林古度

已丑春王近寒食陽和黯黯春無力嚴霜朔嵐割肥  
骨愁霖累月天容墨撒空飛霰響颼颼殷雷闐闐電  
光激須臾冰雹交加下亂打軒窓攢矢石老人擁被  
向壁臥如蠶縮蛰烏塌翼金陵城中有一老古度目  
眇頭暈起太息摩娑箱架繙玩占彳亍鄉鄰卜著筮  
對飯失箸寢失席如魚吞鈎挂胸臆蛙怒鼓腹氣彭  
彭蚓悲穴竅音唧唧吟成五八四十字字字酸寒句

結轡一吟啼山魃再吟泣木客三吟四吟天吳罔兩  
紛來下鍾山動搖石城及山神社鬼不敢寧居號咷  
愬上帝帝遣六丁下搜獲天公老眼慵識字趣呼巫  
陽召李白李白半醉心膽竈曼聲吟誦帝座側天公  
領聽罷拍手笑啞啞女媧弄黃土搏作兩笨伯盧仝  
下賤臣扣頭詛月蝕林生韋布士雨雹恣訴斥天壤  
之間梟兀產二儒使我低頭掩耳受鐫責唐堯爲天  
子倦勤而禪息穆滿八駿歸髦期乃登格我爲天帝  
元會運世八萬六千歲安能老而不耄長久精神勿  
差忒二十八宿糾連悉字羅計四餘氣控訴西歷頻

變易四餘刊一四氣孤列宿失躔紊營室顛呼眞宰  
乞主張我爲一笑付閔默由來世界怕劫塵寧保穹  
蒼免黜陟我甘名號改 女輩紛呶復奚恤女勿  
苦霖雨不見脩羅宮中雨下成戈戟女勿苦雪霰不  
見堯年牛目雪三尺電胡爲而作乃是玉女投壺失  
笑天眼折雷胡爲而作乃是東方小兒作使阿香掉  
雷車而扇霹靂電胡爲而作乃是女媧補天之餘石  
碎爲礮車任之擲春秋請高閣鴻範仍屋壁仲舒繁  
露誠大愚劉向五行徒懇惻鯁生捉鼻善吟縛衣帶  
何用撼鈴伐鼓張皇天駟天公支頤倦欲臥金童玉

女擎觴進金液此翁霑醉毳毼騎白雀遙觀金陵城  
中吟詩之人夜分鼾睡殊燕適撞鼓忽坐通明殿號  
召玄冥豐隆諸神齊受職火速趨赴金陵城雪霰重  
飛電再射推敲蓬門穿甕牖惱亂吟魂攪詩魄是時  
午夜正昏黑大家小戶眠不得眠不得忽驚嚇乃是  
天公弄酒發性故與吟詩老生作戲劇

此詩得之於江上丈人云是東方曼倩來訪李青  
蓮於采石大醉後放筆而作青蓮激賞而傳之也  
或云青蓮自爲之未知狀否

### 新安汪氏收藏目錄歌

新安汪宗孝收藏金石古文法書名畫彝器古玉  
甚富歿後散落人間獨手書目錄猶在其子權奇  
裝潢成帙余方有滄桑之感爲作歌以識之宗孝  
字景純富而任俠萬曆間嘗臥病授命於文廟遣  
治水江淮間七日而寤楚人王同軌作耳譚載其  
事焉

鴻朗八百應壽昌斗匡天府垂文章東壁圖書賁南  
極光晶下薄天子鄣金錢積氣久盤鬱化爲羣玉紛  
瓊瑤羽陵宛委吐靈異瑤苗雲笈差縹緗晉書唐畫  
出秘閣永和淳化羅墨莊昭陵玉匣誇購取宣和金



書衿弄藏鄴侯萬籤曾未觸桓玄一厨今不亡東觀  
詞人著跋尾奎章學士書右方軒轅丹鼎借光氣天  
都草木增輝光人間墨繪汗牛馬敢與列宿分焜煌  
清閼之閣蕭閒堂克棟插架聞古香錯列几案峙華  
鼎鎮壓卷帙填珪璋疎牕眼明見倉籀棊几日煖流  
丹黃主人好古復好事千金豪取如鍼芒彈琴茗茗  
自欣賞高僧詞客同平章青娥摩娑辨款識紅袖拂  
拭焚都梁淒涼不解雲烟綠寒儉笑彼書畫航一之  
帝所夢不返高冠長劔從文皇平泉花木旋改易衛  
公器物非古常雷劔一往誰取去楚弓人得知何方

茂先室有殘機杼長吉家看古錦囊一生嗜好存譜  
錄十載鐫鏤勞肺腸遺墨宛狀網塵篋厥子緡得重  
裝潢鄭重有如獲拱璧再三示我涕泗滂君不見滄  
桑以來百六殃颺迴霧塞何茫茫昆明舊灰鑠銅狄  
陸渾新火炎崑岡乘輿服御委糞土武庫劔履歸昊  
蒼礮火蕩拋琬琰字馬牛蹴踏金玉相南城叢殘餘  
煨燼北門矇瞽徒看詳神焦鬼爛偏泯滅國亡家破  
同盡傷寶玉大弓魯史在玉魚金盃唐天長漫云遺  
山譜器什更與淵穎論滄桑還君此冊三太息謁帝  
吾欲招巫陽

徐元歎六十

飄然領鶴駐高閔石戶雲房處處關萬事總隨青鬢  
去此身畱得翠微間隱將佛土逃三劫貧爲詩人鍊  
九還若問少微星好在鈎簾君自看西山

已丑歲暮讌集連宵於是豪客遠來樂府駢集

縱飲失日追懽忘老卽事感懷慨狀有作四首  
風雪填門噪晚鴉脩脩書劔到天涯何當錯比楊雄  
宅恰似相逢劇孟家夜半壯心迴起舞酒闌清淚落  
悲筵流年適盡那堪餞却喜飛騰暮景斜

送客留髡促席初履交袖拂樂方舒酒旗星上天猶

醉燭炬風欹歲旋除霜隔簾衣春盜盜月停歌板夜  
徐徐航船莫惜頻煩勸已是參橫斗轉餘

風光如夢夜如年如此歡娛但可憐曼衍魚龍徒瞥  
爾醉鄉日月故依狀漏移警鶴翻歌吹霜壓啼鳥殺  
管絃曲晏未終星漢改與君堅坐看桑田

扶風豪士聲追歡楚舞吳歛趨歲闌銀箭鼓傳人悄  
悅金盤歌促淚洗瀾杯斲落日參旗動炬散晨星劫  
火殘明發昌門相憶處雨牀絲竹夜漫漫

蜡日大醉席上戲示三玉生三生樂府渠帥吳  
門白門人也

美人雜坐酒盈觴雪虐風饕避畫堂  
卒歲世猶存八蜡當場我自看  
三王蘭膏作樹昏如畫竹葉生花醉  
亦狂大笑吳歎愁失日漫漫長夜復何妨

賜蘭堂壽讌詩四首

有序

金壇虞憲使兄來初與余同舉丙午少壯論文忽  
焉七十响濡相存衰榮無間於其初度之日爲長  
句以稱壽焉闕闕箕裘之盛園林讌賞之樂鋪陳  
揚扞略盡一斑而要歸於家恩國恤迴翔矚仰感  
慨係之蓋庶幾頌禱之義具焉其不獨以比於彈  
絲竹考鐘鼓而已亦或以望吾兄從容燕喜之餘

爲停杯而三歎也夫虞之先世大理公謙爲永宣  
名臣常拜宣廟稷帟之賜賜蘭其堂名也

綠髮朱顏卻杖扶行年七十似兒駒一夔端許諧虞

樂虞一子跛故有一夔之戲羣鳳紛看集帝梧天澆酒旗星海動

地蟠燈樹月輪孤華陽大有登真宴得似長筵此會  
無

兩牀羅列十眉俱秉燭追歡似逐逋句曲園林藏地  
肺茅家供撰出天厨經年擗擋春燈賞排日規模夜  
燕圖樂土居朕塵劫外良常日月未應誣

玉雪風流奔葉垂

大理公自號玉雪

丹青人物永宣時蘭亭

金匱先朝賜竹屋銀鈎往詰詒祝京兆東山竹屋記為大理之子來鳳作也見祝氏集書雀堆牀傳祖笏高門列戟闕宗彝知君拜

手稱觴日輟舞停歌有所思  
英妙才名京雜傳黑頭兄弟兩蟠狀夔龍兕虎看誰  
在猿鶴沙蟲劇可憐金爵觚稜紅燭裏玉杯繁露綠  
尊前停斟却笑人間事龍漢魚河復幾年

奉贈太傅崇明侯弼武杜公詩四首

光岳貞符河雒形扶桑弧矢射青冥三秦地塞雷元  
老太白芒寒護將星起陸龍蛇爭渾池握奇魚鳥叶  
神靈衛公舊有鈎天樂戴斗崆峒佇勒銘

辛勤百戰為山河束馬懸鋒鬚已蟠吳下諸生推杜  
預關西老將憶廉頗揮毫爛熳頭風檄擊缶蒼茫耳  
熱歌記取鷹揚非少壯莫將芒角自鐫磨

申丹刑白誓書垂俄及山河帶礪期熊耳峰前馘耳  
日馬鞍山下據鞍時閉園種菜分戎壘曲宴催花樹  
酒旗春草青絲調伏櫪識途終許是良眉

能以三明並四夔停詩說禮古人為定襄行卷經年  
富魏國奚囊鎮日隨插架綠槍依筆格銜鞞霜刃挂  
書帷車攻願嗣清風頌自拓岐陽石鼓碑

庚寅人日小集卽事

縷金圖勝總無情佩劍衝星黯未平  
劫末軋坤餘七日  
刀兵劫末度七日方留人種見汰苑珠林  
行間兵火已三生梅花北戶  
將春發菜甲東風與歲更强欲登高難舉目草堂吟  
望淚縱橫

黃葉依朕七葉齊文王喻復此應稽  
李義山人日詩文王喻復今朝

亦知是日妨晴昊  
是日陰霾竟日  
未省爲人學大雞嶺海

風烟迴玉笛羅浮春色應金閨開尊遺老忻談笑  
明日看梅可杖藜

人日示內二首

夢華樂事滿春城今日淒涼故國情  
花燼舊枝空帖

燕柳燔新火不藏鶯銀幡頭上衝  
愁陣柏葉尊前放酒兵憑仗閨中  
刀尺好剪裁春色報先庚

靈辰不共劫灰沉人日人情泥故林  
黃口弄音嬌語澀綠窻停梵佛香  
深圖花却喜同心蒂學鳥應師共命禽  
夢向南枝每西笑與君行坐數沉吟

依韵奉和二首

春風習習轉江城人日于人倍有情  
帖勝似能欺舞燕妝花真欲坐流鶯  
銀旛因戴忻多福金剪儂收喜罷兵  
新月半輪燈乍穗爲君酌酒祝長庚

佛日初輝人日沉綵旛清曉供珠林地於劫外風光

近人在花前笑語淡洗罷新松看沁雪行殘舊藥寫  
來禽香燈繡閣春常好不唱卿家緩緩吟

贈黃若芷大家四絕句

節比青陵孝白華齋心况復事毘耶丹鉛點染從遊  
戲只似諸天偶雨花

梅檀雲氣湧香臺蓮漏初殘貝葉開文室掃除容寶  
座散花天女故應來

暈碧圖黃謝物華香燈禪板道人家中庭只有寒梅  
樹邀得仙人綠萼花

鷗波亭向絳雲開沁雪虛庭絕點埃墨竹數枝香一

縷小窻畱遲仲姬來

閩中徐存永陳開仲亂後過訪各有詩見贈次  
韻奉答四首

拂水分携手共招依朕陳迹已前朝空傳父老摩銅  
狄無復宮人記洞簫攬鏡頭憎三寸憤看花眼詫一  
重綃憑君話我餘生在萬事叢殘爲領腰

休嗟小別似千年坐膝將軍事顯朕契濶共循頭上  
髮延緣猶記葦間船高人有福先歸地野老無謀但  
詛天最是臨分多苦語相期把卷白雲邊

訪余拂水屈指十二年矣與  
公別時有山中讀書之約

交白鬚眉學刺船漁灣蒙密舊山川櫻桃寢薦無消  
息楊柳車攻有注箋南國歌闌皆下泣山陽詩讒倩  
誰傳緡君家集真三歎遺卷猶存忠孝篇

開重尊人  
磐生遺集

中多等詩  
時語

論文嵇呂更誰知兵燹問關問索居沁雪摩娑新拜  
石殺青論勘舊藏書共嗟昔夢連銅輦自笑殘生出  
篋輿莫訝和詩多讒謎老來誕謾比虞初

夏日讌新樂小侯於燕譽堂林若撫徐存永陳  
開仲諸同人並集二首

寶玦相逢溝水頭長衢交語路悠悠西京甲觀論新

樂南國丁年說故侯春燕歸來非大夏夜烏啼處似  
延秋曾聞天樂梨園裏忍聽吳歛不淚流

軟脚筵開樂句和濯龍吐鳳客駢羅雖無法部仙音  
曲也勝巴人下里歌絲竹凝風腰鼓急釭花蕩影舞  
衫多老夫苦憶平生事腸斷西遊趙李過

牧齋有學集卷三終

友齋有學集卷三終

宋文公集

卷二

五



